

Սմարթֆոնների խաղարկության անցկացման և կազմակերպման կանոններ

1. Խաղարկության նկարագրություն

«ՄՏՍ Հայաստան» ՓԲԸ-ն (այսուհետ նաև՝ «Կազմակերպիչ») իրականացնում է խաղարկություն, որի շրջանակում կխաղարկվեն հետևյալ սմարթֆոնները՝ 19 հատ «iPhone SE» 32 ԳԲ, 19 հատ «Samsung Galaxy J3 2017» և 19 հատ «Honor 9 Lite»: Խաղարկությունն իրականացվում է «ՄՏՍ Հայաստան» ՓԲԸ-ի կողմից մշակված ծրագրային ապահովման միջոցով:

2. Խաղարկության Կազմակերպչի անվանումը և իրավաբանական հասցեն

«ՄՏՍ Հայաստան» ՓԲԸ, Արգիշտի փ., 4/1 շ., 0015 Երևան, Հայաստանի Հանրապետություն:

3. Խաղարկության մասնակիցներ

Խաղարկությանը կարող է մասնակցել ցանկացած ֆիզիկական անձ (բացառությամբ «ՄՏՍ Հայաստան» ՓԲԸ-ի և «ՄոբիԴրամ» ՓԲԸ-ի աշխատակիցների): Իրավաբանական անձինք խաղարկությանը չեն կարող մասնակցել:

4. Խաղարկության անցկացման կարգը

4.1. Խաղարկությանը մասնակցելու համար 2018թ-ի դեկտեմբերի 1-ից մինչև դեկտեմբերի 23-ը (ներառյալ) մասնակիցը «ՄՏՍ Հայաստան» ՓԲԸ-ի սպասարկման կենտրոններից՝ կանխիկ կամ ապառիկ եղանակով պետք է ձեռք բերի ցանկացած սմարթֆոն: Գործարքը կատարելու պահին մասնակիցը պետք է Կազմակերպչին հայտնի իր կոնտակտային հեռախոսահամարը՝ հաղթելու դեպքում կապ հաստատելու համար: Գործարքը կատարելուց հետո մասնակիցը պետք է պահպանի (չվաճառի, չնվիրաբերի կամ այլ կերպ չօտարի) գնված սմարթֆոնը և ՀԴՄ կտրոնը (վաճառքի անդորրագիրը):

4.2. Մույն կանոնների 1-ին կետում նշված սմարթֆոնների խաղարկությունները տեղի են ունենալու «ՄՏՍ Հայաստան» ՓԲԸ-ի կողմից մշակված ծրագրային ապահովման միջոցով՝ սկսած 2018թ-ի դեկտեմբերի 3-ից մինչև 2018թ-ի դեկտեմբերի 24-ը: Նշված ժամանակահատվածում շաբաթ և կիրակի օրերին գնված սմարթֆոնների մասով խաղարկությունները տեղի են ունենալու այդ շաբաթ և կիրակի օրերին հաջորդող աշխատանքային օրը: Յուրաքանչյուր խաղարկությանը մասնակցելու են այդ խաղարկության օրվան նախորդող օրը գնված սմարթֆոնների IMEI կոդերը, որոնցից պատահականության սկզբունքով ընտրվելու և հրապարակվելու են շահող մասնակիցների գնած սմարթֆոնների IMEI կոդերը (առաջին շահող IMEI՝ «iPhone SE» 32 ԳԲ, երկրորդ՝ «Samsung Galaxy J3 2017», երրորդ՝ «Honor 9 Lite»):

4.3. Խաղարկության արդյունքների հրապարակմանը հնարավոր է հետևել առցանց՝ «ՄՏՍ Հայաստան» ՓԲԸ-ի <https://mts.am/lottery> պաշտոնական կայքէջում: Արդյունքների հրապարակումները տեղի են ունենալու խաղարկության յուրաքանչյուր օրվա 11:00-ին, իսկ

շաբաթ և կիրակի օրերին գնված սմարթֆոնների մասով խաղարկության արդյունքները՝ հաջորդող աշխատանքային օրվա 21:00-ին: Համապատասխան հղումը կհրապարակվի Կազմակերպչի www.mts.am պաշտոնական կայքում՝ 2018թ-ի նոյեմբերի 30-ին:

4.4. Յուրաքանչյուր շահումը հրապարակելու օրվանից սկսած՝ 7 օրացույցային օրվա ընթացքում շահող մասնակիցը շահումը ստանալու համար պետք է ներկայանա «ՄՏՍ Հայաստան» ՓԲԸ-ի այն սպասարկման կենտրոն, որտեղից ձեռք էր բերել սմարթֆոնը: Շահող մասնակիցը պետք է ներկայացնի անձը հաստատող փաստաթուղթ (անձնագիր կամ նույնականացման քարտ), ինչպես նաև այն սմարթֆոնը, որի IMEI կոդը ընտրվել է խաղարկության արդյունքում, և համապատասխան ՀԴՄ կտրոնը (վաճառքի անդորրագիրը):

4.5. Սույն կանոնների 4.4. կետում սահմանված ժամկետում շահող մասնակցի կողմից «ՄՏՍ Հայաստան» ՓԲԸ-ի սպասարկման կենտրոն չներկայանալու կամ վերջինիս կողմից նույն կետով նախատեսված փաստաթղթերը, գնված սմարթֆոնը կամ ՀԴՄ կտրոնը (վաճառքի անդորրագիրը) չներկայացնելու դեպքում խաղարկության արդյունքը տվյալ շահման մասով կճանաչվի չեղյալ, ինչի մասին տեղեկատվությունը կհրապարակվի Կազմակերպչի www.mts.am պաշտոնական կայքում՝ սույն կանոնների 4.4. կետում նշված ժամկետի ավարտից հետո 2 աշխատանքային օրվա ընթացքում:

4.6. Խաղարկության դադարեցման դեպքում Կազմակերպիչը պարտավոր է www.mts.am պաշտոնական կայքում հրապարակել տեղեկատվություն Խաղարկության դադարեցման վերաբերյալ կամ այլ եղանակով հրապարակայնորեն ծանուցել մասնակիցներին այդ մասին:

5. Այլ պայմաններ

5.1. Խաղարկության մասնակցությունը (այդ թվում՝ սույն կանոնների 4.1. կետում նշված տվյալների ներկայացումը, հաղթելու դեպքում մրցանակը ստանալը և այլն) համարվում են մասնակցի կողմից սույն կանոնների անվերապահ ընդունում:

5.2. Սույն կանոնները, դրանցում հետագա փոփոխությունները (առկայության դեպքում) և խաղարկության վերաբերյալ ամբողջական տեղեկատվությունը հրապարակվում են www.mts.am պաշտոնական կայքում:

5.3. Հաշվի առնելով այն հանգամանքը, որ թափանցիկության ապահովման նպատակով խաղարկության մասնակցության ընթացքում՝ մինչև մրցանակը ստանալու պահը, մասնակիցներին անհատականացնող տվյալներ (անուն, ազգանուն, անձնագրային տվյալներ և այլն) չեն ֆիքսում Կազմակերպչի համակարգերում և շահող մասնակիցների ընտրությունն իրականացվում է միայն պատահականության սկզբունքով սմարթֆոնի IMEI կոդն ընտրելով՝ Կազմակերպիչը որևէ պատասխանատվություն չի կրում շահող սմարթֆոնը փաստացի ձեռք բերած և սույն կանոնների 4.4. կետում նշված կարգով Կազմակերպչի գլխամասային գրասենյակ ներկայացած անձանց միջև հնարավոր վեճերի համար: Բոլոր դեպքերում խաղարկության հաղթող է ճանաչվելու սույն կանոնների 4.4. կետում նշված կարգով Կազմակերպչի սպասարկման կենտրոն ներկայացած անձը: